

Uz podršku direkcije za kinematografiju Ministarstva kulture i turizma Republike Turske i u organizaciji Instituta Yunus Emre ove godine organizuje se deveta "Sedmica turskog filma" u sklopu koje će se održati projekcije nekih od najljepših ostvarenja turske kinematografije koje će publika u Sarajevu imati priliku besplatno pogledati u Kinu Meeting Point.

Osim toga, projekcije filmova održat će se u još 20 gradova u Bosni i Hercegovini, Mostaru, Zenici, Cazinu, Srebreniku, Brčkom i Srebrenici.

Otvorenje Sedmice turskog filma održat će se 11.12.2019. godine prikazivanjem filma "Ljeto u Ankari - oproštajno pismo", a nakon projekcije održat će se razgovor sa glumcem Gürkanom Uygunom. Osim filma "Ljeto u Ankari - oproštajno pismo", bit će prikazana ostvarenja moderne turske kinematografije: "Mađioničar", "Djedovi ljudi", "Ne pričaj mi priče", "Ajla". Mališani će imati priliku pogledati animirane filmove: "Družba malih spasitelja" i "Raja iz ulice".

U Cazinu ćemo gledati animirani film za djecu „Raja iz ulice“ i film za odrasle „Mađioničar“. Obje projekcije će biti na repertoaru Kulturnog centra u četvrtak, 19.12.2019. godine i potpuno su besplatne. U toku dana imaćemo 2 termina za dječije projekcije, u 10:00 i 14:00 h, a u večernjem terminu od 19:00 h možete pogledati film za odrasle.

